


李文饒文集

五之八



漢書門			
類	號	函	架
三	四	一	四
八	三	一	八

內閣文庫			
類	號	冊	架
三	四	一	四
五	八	一	六

內閣文庫			
番號	漢	3417	
冊數	8 (2)		
函號	315	25	



公文集卷第五

敕詔書凡有敕字者便行無敕字者請翰林添獎飾語他皆做此

賜回鶻可汗書

賜回鶻書意

賜回鶻可汗書意


賜回鶻可汗書并宮主及九姓宰相詔書

賜太和公主敕書

賜背叛回鶻敕書

賜回鶻嗚沒斯特勒等詔書

賜回鶻嗚沒斯特勒等詔書



李衛公文集 卷之二
賜思忠詔書

賜回鵲可汗書 奉宣撰

敕我國家統臨萬寓列塞在陰山之南先可汗惣率本部建牙於大漠之北各安土宇二百餘年此天所以限隔內外不可逾越近聞爲紇挖斯所敗加以飢荒國邑爲墟屍僵道路今可汗稍收離散漸近邊境將議遠圖舍先文誥故茲命使宜聽朕言可汗累代以來推誠嚮國往者中原有難功剪群兇列聖念功每如優寵寧國咸安二公主降嫁龍庭爰及先朝復以今公主繼好又以土無亦續歲絲結恩禮禮

諸蕃和義久保誠信兩絕不嫌但國殊堪稍逾經制豈朕所安去歲嗚浚斯特勒已至邊昇邊將憤激便請祛除朕念其無主可歸且令安撫今可汗旣立彼又降附便合率漸復舊疆漂寓塞垣殊非良計又得宰相頡干伽思等表借振武一城權與可汗公主居住中國之制與外蕃不同須守前代規模祖宗法度昔漢朝單于乖亂呼韓欵塞宣帝送單于出朔方雞鹿塞唯賑以米粟國初太宗皇帝命李思摩建牙於漢南遺址並存事皆可驗未有深入漢界借以一城與退渾党項微小雜種同爲百姓實

亦屈可汗之尊貴亂中國之舊規若以未復本蕃或
欲別遷善地求大國聲援戰諸部交爭亦須率思歸
之人且於漠南駐止朕當許公主朝覲親問事宜僅
須應接必無所怙冀今被國從此輯寧豈不謂去危
就安轉禍為福朕緣公主將可汗丹誠來告深感于
衷制置之間須存遠大故遣右金吾衛大將軍兼御
史大夫王會宗正少卿兼御史中丞李師偃馳往喻
懷爰定所居便申誓約神明是質豈可食言可汗並
保一心自求多福

賜回鶻書意 奉宣撰

朕想可汗公主以久修隣好累降嘉妃望我國家如
歸親戚朕每弘容納之意固無纖芥之嫌但以將相
大臣累陳公議以可汗代居絕漠臨長諸蕃名聲既
雄部伍甚衆今逗留塞上逼近邊城百姓不安人心
疑惑耕種盡廢士馬疲勞朕二年以來保護可汗一
國內阻公卿之議外遏將帥之言朕於可汗心亦至
矣可汗亦須深見事體早見歸還所求種糧及安存
摩尼尋勘退渾党項劫掠等事並當應接處置必違
得宜惟是擬借一城自古以來未有此事天地以沙
漠山河限隔南北想蕃中故老亦合備知只如長皮

東有潼關西有散關南有藍田關北有蒲關今四海一家天子所都猶有限隔况蕃漢殊壤豈可通同且天下者高祖太宗之天下朕守祖宗成業常懷兢畏豈敢上違天地之限中隳祖宗之法每欲蒞一號施一令皆告于宗廟不敢自專所借一城理絕言議可汗便須息意勿更披陳其餘令楊觀專往視喻朕意

賜回鶻可汗書意

楊觀至覽表欲求糧食牛羊糧食已許自己馬價絹綉振武和糴三千石緣中國以農為本最貴耕牛及

姓所畜魚多常斷屠殺羊則產於北土不出中華惟塞上蕃渾各有畜牧朝廷未嘗徵率務使安存今之所求難允米意又所請束縛盟沒斯送歸者盟沒斯比自投邊將屢狀誠款自本國破亡之初奔迸先至塞上不隨可汗公主已是二年慮彼猜嫌自懷憂懼窮迫歸命望朕保持未嘗有交構之言離間兩國前可汗已緣失制馭之道無兼愛之仁侵擾諸蕃肆為暴虐所以親屬內叛部落外離國破家殘實由於此今可汗失地遠客危難之中尤須追悔前非以安反側若又仁愛不至骨肉相殘可汗左右信臣誰敢自

李衛公集卷之四十一
保朕統萬國非止一番未附者頃務懷柔歸誠者因
宜存撫僮狗可汗之意殊乖覆育之恩今已特許歸
降止於存其種族必不別有任使授以腹心在可汗
不失恩慈於朝廷免虧信義豈不兩全事體深叶良
圖况前代以來盡有故事漢朝呼延邪單于欵塞其
下大將烏厲屈烏厲温敦並來降附漢宣帝封以列
侯又國初頡利可汗之破敗也降者甚衆酋豪首領
至朝廷皆拜將軍僅百餘人無不撫納想可汗深明
朕意勿更再論摩尼教天寶以前中國禁斷自累朝
緣回鶻散信始許興行江淮數鎮皆令闡教近各得
本道申奏緣自聞回鶻破亡奉法者因茲懈怠蕃僧
在彼稍似無依吳楚水鄉人性囂薄信心既去翕習
至難且佛是大師尚隨緣行教與蒼生緣盡終不力
爲朕深念異國遠僧欲其安堵且令於兩都及大原
信嚮處行教其江淮諸寺權停待回鶻本土安寧即
却令如舊


賜回鶻可汗書并公主及九姓宰相詔書

朕自臨寰區爲人父母惟以好生爲德不願黷武爲
名故自彼國不幸紇圻斯所破來投邊境已歷歲年
撫納之間無所不至初則念其飢歉給其糗糧旋則

知其破傷盡還馬價前後遣使勞問交馳道路小小
侵擾亦盡不計今則可汗尚屯近塞未議還蕃朝廷
大臣與四方節將皆懷疑忿盡請興師雖朕切務含
弘亦所未喻日昨數使卻回皆言可汗只待馬價及
令交付之次又聞所止屢遷或侵掠雲朔等州或讐
掣羗渾諸部未知此意終欲何如若以未交馬價且
近塞垣行止之間亦宜先告邊將豈有倏來忽去遷
徙不常雖云隨逐水草動皆逼近城柵遙揣深意似
恃姻好之情每觀蹤跡實懷馳突之計况昨到橫水
柵下煞戮至多蕃渾牛羊豈恠驅掠黎庶何罪皆彼
傷夷所以中朝大臣等皆云回鶻近塞已是遠盟更
戮邊人實乖大義咸願因此翦遂以靈殂謝之寃然
朕志在懷柔情深屈已寧可汗之負德終未忍於幸
災石誠直久在京城備知仁一本作人心憤惋發於誠懇
固請自行嘉其深見事機所以不能違阻可汗審自
詢問速擇良圖無至不悛或貽後悔

賜太和公主敕書 奉宣撰

敕姑遠嫁絕域二十餘年跋履險難備罹屯苦朕每
念於此良用惘然恭惟太皇太后春秋已高慈愛深
厚比者望姑朝謁再叙悲歡倏已歲暮寂無音耗想



姑見舊國之城邑能不銷魂望漢將之旌麾必當流涕今朔風既至霰雪已零絕國蕭條固難久處旃墻罽幕何以禦冬肉飯酪漿且非適口朕撫臨萬寓子育群生一物未安終食三歎况姑累年漂泊何日忘懷想姑高明必是懸鑒姑承宗廟之餘慶為三室之懿親先朝割愛降婚義寧家國謂回鶻必能侮禦安靜塞垣使邊人子孫不見兵革射獵者不敢西向畏軒轅之臺今回鶻所為甚不循理番渾是朕之人百姓牛羊亦國家所有因依漢地遂致蕃孽回鶻託以私讐恣為侵掠每馬首南向姑得不畏高祖太宗之

威靈欲侵擾邊疆姑得不思大皇太后之慈愛

國母足得指揮若回鶻能不稟命則是棄絕姻好今日以後不得以姑為詞若恃我為親稟姑教令則須便自戢斂以繼舊歡想姑以朕此書喻彼將相令其知分更不徇非塞外祈寒且無絲纊朕每御裘服則思彼未授衣豈可回鶻講張遂忘親愛今寄冬衣若干具如別錄

賜皆叛回鶻敕書 奉宣撰

逆數得邊將奏報知卿等本國自有離亂可汗遇禍雖未委虛實良深震悼我國家與卿等本國代結姻

好父爲親戚協德同心常爲諸蕃所羨故得邊候不
聳封疆晏然卿等忽領師徒漠南屯集又數至天德
侵掠頗擾邊人聚師無名忠義俱失旣乖舊好良用
憮然若卿等本國所立新主非可汗至親人心不從
擾亂未定卿等只合自申方畧竭效忠誠安靖本蕃
以圖勲績亦合遣使告朕具述此心若新立可汗是
中國至親人已歸附卿等便合早自相率保國寧家
與可汗協心以修舊好豈得寄命塞上久勞師人朕
緣與卿本國情義至深事同一體又緣公主在彼未
知存亡故遣使臣魏蕃往諭朕意卿宜備陳誠款不
得虛詞兼禁戢師徒勿爲侵軼近聞天德遣使言
曾有交鋒卿等旣犯塞垣亦是邊將常事今已各令
諸鎮不許交兵卿宜曉諭部落各令知悉

賜回鶻嗚沒斯特勒等詔書 奉宣撰

勅回鶻嗚沒斯特勒那頡啜特勒頡干伽思於解亦
阿耽于思莫賀達干宰相伊難朱密伽諦畧摩咄將
軍諦畧等天德軍遁所奏表至再三省覽憂屬良深
彼蕃自忠義毗伽可汗以來代爲親隣連降愛主恩
禮持異古今莫及君臨萬國撫育殊方苟有未安則
宜來告况特勤等乃祖乃父歸誠累朝昨遣嗣澤王

李德公集卷之五
七
溶吊冊先可汗回始聞鄉國中喪亂諸部乖離採患
卹隣豈忘令典方圖鎮撫以命使臣今又知堅昆等
五族深入凌虐可汗被害公主及新可汗播越他西
未歸城邑特勒等力不能制思存遠圖相率遁逃萬
里歸命又知欲奉公主朝覲忠謀不從已踰大漠之
南同款五原之塞羨此單使布其赤心言念艱危惻
然軫歎料鄉等皆英酋貴族羈寓沙場懷土之情如
何可處豈非欲討除外寇匡復本蕃抱此至忠託於
大援但緣未知指的難便聽從又慮邊境守臣見
忽至或懷疑阻不副朕心故遣鴻臚卿張賢馳往
撫朕旣獎鄉忠款報以信誠雖隔塞垣已如相見
須深明朕忠蓋吐所懷一一言於使臣令其速還聞
奏佇聞誠願續有指揮必當副彼急難固不惜於事
力勉於謀度用保忠勲秋熟卿及部下諸官并左相
阿波兀等部落黑車子達怛等平安好遣書指不多
及

賜回鶻嗚沒斯等詔 奉宣撰

敕回鶻嗚沒斯特勒那頡啜特勒悉勿啜特勒烏離
思特勒赤心宰相等張賈等回知卿等欲遠赴闕庭
自申忠款眷言深志豈忘于懷聞卿等本國頃因飢

荒遂至離散親屬內叛諸部外侵新立可汗猶未安
定既是國中所奉則為卿等君親古人云未有仁而
遺其親者義而後其君者想卿等本心必思推戴况
回鶻代雄朔漠威服諸蕃今已破傷足堪悲憤若皆
自爭雄長不顧其君各據一隅必更衰弱深慮從此
之後為諸蕃所輕與卿等本國代結姻親久修隣好
每念於此良用惻然與卿等為謀須務遠大莫若自
相率勵同奉可汗興復本蕃再圖強盛朕欲召卿赴
闕親諭此懷又恐可汗聞知謂朕幸其艱危因有招
納益欲深全國體兼為卿等避嫌以此思之難遂
請卿等宜早歸本國不更滯留卿等表請器甲朕
臨萬國非止一蕃祖宗舊章不敢逾越國家未嘗賜
諸蕃器甲卿等亦合備知若一處開恩必自茲援例
朔州般次舊例須待可汗遣駝馬迎聖方令進發可
汗信使未至難於遣行今有賜物具在別錄以卿等
率先向發特示優恩緣新立可汗未受朝廷冊命數
降使至卿等部落亦恐非宜所有賜賚止於此度想
卿等明識深諒朕懷便令高品魏敬休宣諭想宜知
悉

賜思忠詔書 奉宣撰

呂衛等至知卿與可汗不能戰下頗擾邊疆既告諭
 不悛須兵勢驅逐卿忠誠奮發願立奇功請退渾沙
 陀等部落合勢及戰馬器甲等並已允卿所奏各有
 別敕處分今令左衛將軍何清朝蔚州刺史契苾通
 分領蕃渾部落取卿指揮朕已切戒何清朝等令其
 協盡心力副卿忠誠進取之時一切取卿方畧卿宜
 每事與弘順等商量審度事機勿為輕進但得可汗
 抽退不敢稽留塞上安寧即是卿之勲力必不可落
 其奸計以損國威兼令高品駱遂泰權監行營將士
 卿與之籌慮續續奏聞

五卷

李文饒文集卷第六

會昌二年

詔敕中

點戛斯國號皆依蕃書譯字所以不同商
 量冊命時奏請依價相公華夷述便以點

戛斯
 為定

與紇圻斯可汗書

與點戛斯可汗書進狀

與黠戛斯書意進狀

賜石雄及三軍敕書

賜澠州軍人敕書意

賜党項敕書

賜劉沔張仲武密詔

賜張仲武詔

賜何重順詔

賜張仲武詔意

賜彥佐馮茂元詔

賜彥佐詔意

與紇圪斯可汗書 奏宣撰

皇帝敬問紇圪斯可汗時屬載陽想彼休泰朕撫臨
萬寓子育群生思致洽和用臻至理將軍踏布等祖
等至鑒表具知可汗生戴斗之鄉居寒露之野智
精果材志沉雄威動龍荒聲馳象魏眷言丕績

注懷我太宗文皇帝聖德高於百王英材軼於千
內定諸夏外服百蠻貞觀四年西北蕃君長詣闕
願請上尊號為天可汗是復降璽書西北蕃君長皆
稱皇帝天可汗臨統四夷實自茲始暨貞觀六年太
宗遣使臣王義弘至可汗本國將命鎮撫貞觀二十
一年可汗本國君長身自入朝太宗授左屯衛將軍
堅昆都督至天寶末年朝貢不絕則可汗祖先已受
我國家恩德計可汗國中遺老必自流傳朕續奉不
圖思申舊好比聞天寶以後為回鶻所隔久阻誠款
回鶻自謂天驕罔修仁義肆行殘忍凌虐諸蕃知可

汗代爲仇讐果能報國滅其國邑皆已立君驅彼酋
渠盡逾沙漠茂功壯節近代無儔回鶻當中國伐叛
之時嘗展勳力列聖嘉其大順累降媼親今失國逃
亡寄於塞上只合早歸窳欵受朕撫循而乃轉自鷓
張益懷狼顧在陰山之外誘惑小蕃乘我無虞卽來
侵掠恣爲邊患今已四年朕大徵甲兵久欲除翦此
令幽州太原兩道節度使皆克招撫以示綏懷望其
悛心猶務含育而凌蔑公主頻擬傷殘馳突邊城敢
謀盜竊近太原節度使劉沔不勝其忿潛出偏師乘
其講張使龔牙帳虜衆大潰空廬盡焚元惡傷殘朕

身潛竄已取得太和公主卽至闕庭回鶻殘兵不滿
千人散投山谷旬日之內必合梟擒朕再見公主良
欣深慰可汗旣爲讐怨湏盡殘夷儻留餘燼必生後
患想遠聞慶快當愜素心聞可汗受氏之源與我同
族漢北平太守材氣天下無雙結髮事邊控弦貫石
自後子孫多習武畧代爲將門至嫡孫都尉提精卒
五千深入大漠單于舉國來敵莫能抗威身雖陷沒
名震蠻貊我國家承北平太守之後可汗又是都尉
苗裔以此合族尊卑可知昨聞太和公主爲可汗衆
兵所得可汗以同姓之國使遣歸還有以見可汗秉

禮義之心重親隣之好朕深用感歎至于涕零公主
尋為回鶻劫奪久不歸國可汗所以使臣皆被誅戮
朕言念傷痛至今不忘昨見可汗表求訪公主使公
主上天入地必須覓得今邊將憤惋已立奇功回鶻
罪人計日可致即當顯戮以謝可汗况回鶻夷滅種
族必盡與可汗便為隣國各保舊疆繼好息人事同
一體從此邊陲罷警弓矢載橐必當諸部服從皆懷
德美知我兩國未為宗盟想可汗明智自有良筭故
命太僕卿兼御史中丞趙蕃持節克使以答深誠質
必申明用存大信朕言不貳可不勉歟又自古外蕃

皆須因中國冊命然可汗歷一方亟欲蕃命可汗時
加美號緣未知可汗之意且遣謝懷行趙整回日別
命使展禮以申和好彼國將相並存問之遣書指不
多及

與黠戛斯可汗書

皇帝啟問黠戛斯可汗將軍諱德伊斯難殊至覽書
及領所獻馬百匹鶻十隻具悉皇帝聰明天稟英姿
生質忠德未徧覆愧漢宣兼臨之盛况與彼國壤隔
內外非正朔所加禮既不施政豈宜及但以惜可汗
宗盟之國顧保先名為可汗弘遠之謀須除後患所

以具古今禍福往諭至懷昔呼韓單于以郅支尚存
國難未靖稱蕃事漢福及子孫之後漢單于比以大
父體漢而安繼襲其號上書款塞永願藩蔽漢遂
致朔塞底寧烽燧永息近則回鶻結大國之援雄長
北蕃諸部率從莫敢不服一隅安樂有有餘年此事
昭然可汗所覩况今回鶻種類未盡介居蕃漢之間
爰及黑車子久畏其威素服其信慮彼再振常持兩
端須令小蕃知朕親厚可汗棄絕回鶻實在和好分
定內附約盟則和計奸謀無由而入故欲顯加冊命
昭示萬方况登里可汗回鶻舊號是國家頃年所賜

非回鶻自制此名今回鶻國已破亡理當嬖用以
可汗先祖往在貞觀身自入朝太宗授以左衛將軍
堅昆都督朕思欲繼太宗之舊典彼亦宜遵先祖之
勳誠便以堅昆爲國施於冊命更加美號以表懿親
况堅者不朽之名昆者有後之稱示不忘本豈不美
歟朕昨令禮部尚書鄭肅等與彼使臣面陳大計温
件合將軍等皆諭朕旨願言結成豈必契徑路之金
舉留犁之酒保茲誠信固在厥初頃者回鶻初至塞
上請國家精兵十萬送至漠北漸歸本蕃又請借漢
界一城養育疲羸以圖興復朕以可汗之故盡不聽

李衛公文集 卷第六 五
從今回鶻是國家叛臣爲可汗讐敵須去根本方保
永安是天亡之時易於攻取古人云天與不取反受
其咎可汗須乘此機便早務交夷回鶻未滅以前可
汗勿以飲食爲甘弋獵爲樂勵兵秣馬不可暫闕所
根隔在諸蕃國家難於同力儻更近塞豈復稽誅又
恐餘孽歸降可汗未能盡戮納有罪之衆受逋逃之
臣儻收吾憎必開邊隙則是蕃養虺毒自生勵階前
年回鶻宰相等向漢使云李靖擒頡利後國中只有
二三十人便卻興復郢在危困尚爾張皇可汗深察
此言豈得不慮又聞合羅川回鶻牙帳未盡毀除想
其懷土之心必有思歸之志速要平其區落無使不
遺旣表成功彼當絕望可汗已攄積年之憤自爲一
代之雄至於居處服章皆悉變革焉得安於所習姑
務因循則何以震耀北方殫壓諸部朕撫有中夏愛
育生靈常恐百姓未安一物失所豈願更廣威畧遙
制要荒但緣與可汗方保和盟義同憂樂纖微之事
皆欲備言想可汗與將相籌謀副玆誠意此使到日
必諒朕心即宜速遣報章此當遣重臣冊命夏熟想
可汗休泰將相以下並存問之遣書指不多及

進所撰黠戛斯書狀二

右今月十三日於閣中面奉聖旨令撰書進來者臣
請待鄭肅等與語了撰述今撰訖謹進上

進所撰黠戛斯可汗書狀

右奉宣令臣與書內添堅昆事者緣未審知黠戛斯
的是堅昆之後恐須粗言梗槩未可明書今已依宣
添改其間有詞意未盡處亦更加添臣學識空虛文
理淺近再陳嚴宸伏積兢惶謹連封進

賜黠戛斯書

進狀

奉宣撰

皇帝敬問黠戛斯可汗將軍諦德伊斯難殊至覽書
并白馬二疋具悉可汗降精斗極雄朔漠以併君稟

精魔頭分天街而建國特負英豪之氣夙推統御之
才眷想嘉猷載深寤歎來書云温忒合將軍歸國後
漢使不來温忒合去日朕書具云速遣報章此當遣
重臣冊命自是可汗未諭此意報答稍遲比則尋欲
遣使只是延望來信又云金石路已隔絕蓋爲山川
悠遠未得自與可汗封壤接連非是兩國之情猶有
阻隔想可汗明識無復致疑又云兩地遣書彼此不
會且書不可以盡言言不可以盡意况蕃漢文字傳
譯不同只在共推赤心永保盟好豈必緣飾詞語以
此交歡每欲思惟先思好意不更疑惑便是明誠又

李衛公集卷第六
云欲除却兩楹間惡刺此一事最是嘉言緣回鶻雄
據北方代爲君長諸蕃臣伏百有餘年今可汗掃其
空廬大雪讐耻功業既高於前古威聲以振於北方
固當深務遠圖豈可更留餘燼黑車子不度德量力
敢保寇讐則是輕侮可汗獨不嚮化此而可忍孰不
可容况可汗前來云求訪公主使上天入地必湏覓
得今若舍而不問何以取信朕懷想可汗乘彼盛秋
長驅精騎問回鶻逋逃之罪行黑車子後服之誅取
若拾遺後無再舉從茲盪定豈不美歟來書又云送
公主到彼無一語來緣公主纔離可汗五日便被回

劫奪所遣來使盡被殺傷公主二年之中流
漢事已隔遠所以不再叙言然趙蕃去日已具感悅
之心足表殷勤之意又聞今秋欲移就回鶻牙帳滅
其大國便保舊居足使諸蕃畏威回鶻絕望稍近漢
境頗謂良圖所云請發兵馬期集去處緣黑車子猶
去漢界一千餘里在沙漠之中從前漢兵未嘗到彼
比聞回鶻深意常欲投窟安西待至今秋朕當令幽
州太原振武天德緣兵四鎮要踏出兵料可汗攻討
之時回鶻必當潛遁各令邀截便可梟擒此是一本無是
字軍期湏合符契想可汗必全大信用叶一心諦德

伊斯難殊朕已於三殿面對兼賜宴樂並依來表不
更滯留朕續遣重臣便申冊命故先達此旨令彼國
明知冊命之禮並依回鶻故事可汗爰始立國臨長
諸蕃須示鄰壤情深宗盟義重以此鎮撫誰敢不從
宜體至懷共弘遠畧春暖想可汗休泰將相以下並
存問之遣書指不多及

進所撰黠戛斯書狀

右奉宣令臣撰進來者臣詳其表中情款一一報答
盡不闕遺兼不為文言遣其易會緣冊命時須令其
稱蕃事須云冊命之旨並依回鶻故事若須更有
即待朝廷命使日別賜敕書稍為允愜謹錄上
未審否

賜石雄及三軍敕書

敕石雄晉絳密邈王畿地當襟帶自卿與將士等扼
其險要勇冠諸軍捍彼奔衝為吾砥柱每剋期深入
屢挫狂鋒批亢擣虛導窳遊刃未言勲績豈忘於懷
昔商伐鬼方三年乃剋周公東征三年不歸憲宗平
淮西文宗定滄海士不解甲或三四年想卿等久在
戎行心經此役且士之生代本為功名仗義從軍固
當殉命居平則孝養父母成長則子孫衣食所資無

非國力有事則投袂而起負甲先登撫養之恩惟此
爲報今者纔近半歲未日勞師功在垂成往無不捷
持士等各宜感勵成此功名上黨旣平天下無事從
此永安家室不復征行近者楊奔首爲猖狂扇惑亂
卒今則身膏齊斧戮及妻孥生爲不忠之人死爲負
義之鬼身名俱滅可不痛哉諸部旣安王師益振乘
此聲勢必殄餘妖故令中使宣慰兼賜優賞卿等獲
湏鼓行而進徑入賊界下營從此駐軍速圖進取勿
使功業歸於別帥爵賞在於他人勉務壯圖副茲厚
遇想宜知悉

賜潞州軍人赦書意

劉稹乳臭驥童未有所識皆是郭誼王協幸其昏弱
矯託軍情妄獻表章欲求繼襲志在肆行禍福自擅
兵權僞感從諫之恩誓同生死及見山東三虜皆已
歸降事迫勢窮歸惡劉稹令其一門受戮便欲自取
寵榮不義不忠古無其比朕以誘陷劉稹皆是此二
人販賣圖全義難容捨已令澤潞冀氏兩路遣軍只
取郭誼王協及同惡之類其他軍人一切不問仍各
有優賞後從敕處分如兩道兵馬未到以前有忠義
之士先非同惡者能自擒獲郭誼等所與優賞並同

斐問王釗例處分已詔石雄王宰到彼不令侵擾軍
人百姓如秋毫有犯便按軍法各宜勉思機計共保
忠誠勿受姦人扇動妄生疑忌互相告報咸使明知

扇動一作扇惑
妄生一作妄懷

賜党項敕書

敕自爾祖歸款國家依附邊塞為我赤子編於黔黎
牛馬蕃孳種落殷盛不侵不叛頗效信誠比聞邊將
不守朝章失於緩輯因緣征歛害及無辜念爾遠人
莫知控告特命朕之愛子實惣元戎所冀群師聽命
而不敢自專諸部懷怨而有所披訴奉我憲令以保

和寧如聞莫顧私恩遂懷憑恃攘奪不避於官物
操罔憚於平人擅興甲兵恣行攻劫豈有朝廷內地
輒此鴟張道路阻艱商旅殆絕朕便欲詔命諸鎮同
力勦除深慮玉石難分善惡同斃今再為條例各使
得宜却令節將指揮許其處斷如有濫政乘公
平並遣巡院奏聞朝廷必為申理如或不知恩貸猶
敢猖狂國有典章必難容捨故茲宣示當體朕懷

賜劉沔張仲武客詔

敕劉沔等自回鶻本國殘破寄命比邊朕以其艱難
之時常效勲力平寧之後結以姻親義切懷柔情深

兼愛亦既轉粟賑救降使撫循示信推恩朕無所愧
而狼顧塞上鼠守雲中間有備豫雖暫移營稍隙
未近塞察其情計殊未歸還朕祇荷不圖撫臨萬
守祖宗之法制思黎庶之乂安豈可蓄虺穴於塞
養蠱毒於懷袖乘其馳突必欲驅除昔昔侯報楚之
功避子玉於三舍然明一本作先車背秦之惠覆孟明於
嶺安國庇人大義斯在卿宜遣使告諭明示朕懷
或遲留尚為巧詐即須埒角相應臨以兵威勉務良
圖副委茲遇

賜張仲武詔

敕仲武周璣至省表知可汗猶有疑懼近日移營
自惣戎麾累剪狂寇英威所振桀驁皆從仁義所結
降附相繼昨者可汗來依塞表已在穀中豈謂黠虜
之奸心尚懷翻覆柔服之際又此遁逃遠揣虜情必
終難保信昔去病深入大漠方殄獯戎近李靖再襲
穹廬始擒頡利况卿伐謀制勝才出古人宜選練勁
兵掩其無備使呂嘉懷貳而受首孟獲雖縱而必擒
特立竒勳永光千古朕已令劉沔旋布却入東徑朕
卿本道成功即令歸鎮經畧之事全以付卿須及塞
草未青虜騎方困一舉便剋使魚牙遺卿先戮馬步

一萬人於大界原防戍今緣可汗入卿掌握已在網
羅豈得更屯精兵守魚用之地卽宜追赴本道同力
剪除緣卿師旅至多費用尤重其出界糧料已令所
司依前支給卿宜勉於盡敵以副朕懷

賜何重順詔

與王元達詔同惟
向前句九詞不同

救重順卿代傳忠孝志在功名朕每用注心豈忘終
食况卿先父當太和之際已有誠款思靖隣封臣節
昭彰遐邇稱歎澤澍一軍素聞忠順從前命帥皆是
儒臣穆宗以矧悟有歸闕之功委之心膺令居善地
鎮靖一方及殂謝之時不能堅守臣節遂使三軍

請以幼子惣戎其時朝廷因循姑務安靖授以旄鉞
事蓋從權今從諫疾急所侵頗聞縣恠昨士廉奏至
大將及下復請劉稹權知軍務朕深惜劉悟一門自
夫逸懷以來累代忠節今劉稹又欲自擅隳其門風
蓄撤瑟之辰罔聞憂戚在嘗藥之際便窺兵權尤爲
臣子所當共奔卿宜訓練戎旅嚴固封疆俟彼軍中
有變便湏遣書告諭令其三軍送劉稹歸闕請朝廷
推新擇帥朕必選舊德重望委之撫循劉稹厚加爵
賞別有任用如妄自制置邀求寵榮國家典法亦難
寬宥澤澍一鎮與卿事体不同勿爲子孫之謀欲存

輔車之勢但能顯立功效自然福及後昆勉務良圖
副茲委遇高秩厚賞無所恪焉

賜張仲武詔

卿智畧挺生忠誠特著每陳章奏皆契朕心言念壯
猷無忘寤寐今緣從諫疾病頗以深繇深慮將校異
謀妄有制置太原地連河朔城府空虛已詔劉鴻旋
師却歸本鎮又緣回鶻餘燼未滅塞上須有防護藉
卿長才列於禦侮邊境戎事悉以副卿宜深體朕懷
勉弘方畧控馭朔塞爲我長城當使早殄餘妖未
絕漢副茲委遇以保功名

賜劉鴻茂元詔

曠古者涼風至白露下天子乃命將厲兵以征不義
申令誓衆今則其時况尋收司刑助天而肅殺金星
動色應節而糴芒咨爾帥臣爲予之佑得不敬順天
道振揚兵威近有詔書令取七月中旬五道齊進王
元逵久蓄忠憤爲國除殘率兵先諸軍深入其險阻
拔宣務要害之壘絕堯山應援之兵旣以扼咽必當
破膽而卿不務疾雷先奮欲以歲月勝彼凡爲將帥
誰不樂此豈祭遵之安重致欒伯之遷延且不副於
詔書以後期於成德若未可深入亦要先聲宜早進

軍速臨賊境樹立城柵羅列旌旗深溝高壘勿與之
戰兼擇猛將時出奇鋒令彼一方疲於奔命如此是
分賊勢益壯東師昔趙充國征羌漢宣帝詔曰太白
出高用兵深入敢戰者言卿宜思古名將早立奇功
無執狐疑之心勉務鷹揚之舉國之大事賞罰必行
當體朕懷勿稽詔命想宜知悉

賜彥佐詔意

卿累當大任實惣元戎旣行節制之師須務綏懷之
德養威持重屬在於卿至於負羽先登塞旗深入本
非將帥之事當假拳勇之材况自古出師皆有副將

助難則權以相濟料敵則智以相資故韓信伐趙張
耳爲貳吳漢征蜀劉尚副軍國朝以來多用此制李
勣之取平壤參以道宗李靖之襲陰山副之公謹近
者劉沔全師北伐按甲雲州委石雄先鋒太破回鶻
朕以石雄近摧醜虜已著威名久在徐州諳練士卒
今輟自天德與卿副須諸軍卿宜選徐州陳許精兵
三千人便令先入勵其猛氣必立奇功倘能挫覆妖
巢亦自勳歸元帥勉於率下深務協心體朕至懷以

圖不績

李文饒文集卷第六

李文饒文集卷第七

會昌一

詔敕下

賜石雄詔

賜劉沔詔意

賜李石詔意

賜王元逵詔意

賜李石詔意

賜王宰詔意

賜張仲武詔意

賜劉沔詔意

賜王宰詔意

賜石雄詔意

賜王元達何弘敬詔意 二首

賜汾邊諸鎮密詔意

停歸義軍敕旨

置孟州敕旨

李回宣慰三道敕

賜王宰詔意

賜石雄詔意

救石雄古者有必勝之將無必勝之人欲立奇功實

在謀師朕所以求鷲鳥於累百得飛將於無幾
諸軍以臨賊境况卿受尺一之詔初無辦嚴盤夫
之矛果能盪寇眷言勛績深注余懷近聞從諫時
百姓相驚云卿以七千兵至數告於衆魄兆於人
今天策向晨已及成軍之候龍驤建旆必叶渡江
之謠舊史昭然冥符可驗加以天道在乎西北順
歲有功福星煥乎龍庭爲國大慶勉弘方畧契此
休徵昔鍾會以二十萬兵頓於劍閣鄧艾總一
萬衆直抵成都只在決機豈由衆寡知卿能辦
故諭此懷然聞卿每自履軍常先士卒既有輕
敵未足耀奇朕借卿一舉之

功以定必擒之計至於小陣不可自行魏武帝嘗戒
夏侯妙才曰為將當有怯時不可但恃勇也當以勇
為本行之以智計但無知任勇一匹夫敵耳張遼軍
身入昌稀家魏武責曰此非大將法今卿為萬人之
帥啓千乘之行舉必責謀動資持重報國在於平賊
不在輕身為將本於坐籌寧勞陷陣卿宜以朕之戒
嘗自書紳務建功名副茲委遇

賜劉沔詔意

緣卿二年在於外城府久虛今殘虜未平南北皆有戎
事欲令卿却歸本鎮應接兩隅行營諸軍未知所付

聞王逢頗有武用卿所素知今已追赴大原欲令
本道行營都知兵馬使又緣例偏裨日近官秩尚卑
指揮諸軍未即宜稱今緣石雄王宰皆欲進兵得卿
一軍齊入足分賊勢卿宜審自籌度歸本鎮後在朝
及側近武臣誰人堪付行營兵事宜密狀具一兩人
進來如卿離行營後兵力事勢深入未得亦須審具
事實聞奏不要隱情今取決於卿切在審詳

賜李石詔意

訪聞近日賊中轉更窺蹙自相殺戮人心不安即日
軍權多在郭誼因此誘動必應事機李石是郭誼親

密允合相信卿宜暫追赴使令與郭誼書諭以利害
遣其自圖劉稹早務歸降倘效誠款必重酬賞卿宜
回看李丕手疏兼令便自封題分付王逢遣密作計
召軍人百姓送入澤潞其書草卿宜封進

賜王元逵詔書

材幹筋革出自江淮除進奉之外並敕令所禁蓋以
有國之制固須立防朝廷法度理當畫一卿國之盛
感時之信臣方進勁兵坐清殘孽誠宜假以利器壯
軍威朕之於卿固無愛惜但以河朔數鎮事体應同
若一度賜卿必傳相援例恩信不一非撫御之遠圖
與與頻繁廢朝廷之舊制卿是朕之心腹必合樂事
憲章故示至懷想當知悉

賜李石詔意

省所奏劉稹令賈群齋李恬書與卿將兵屬同赴闕
庭兼請歸葬東都事宜具悉比者河朔諸鎮惟淄青
變詐最多劉悟隨來舊將皆習見此事察其情偽深
要精詳蓋緣四面王師尅期赴敵又聞王元逵并石
雄王宰已據天井卿當道又得石會旣失重關之險
將弋在穴之妖鎮衛勁兵皆臨境上城孤援絕情計
已窮所以密將款詞歸命上相恐是偷安旬月潰緩

李德公文集卷第七
王師稍得自完復來侵軼况饋運日有所費春作漸
已及時勞我師徒恐非至計卿與其要約令面縛來
降卿即馳至界首親自受納苟不如此且須進軍必
不得因此遷延令其得計仍不得先受草表便與奏
聞今賜與劉稹書白想宜知悉

賜王宰詔意

省所奏差張公輔入澤州潞州亦粗得賊中軍情若
許招誘乞賜詔命事宜具悉劉稹喪父之初已拒朝
命旋又焚蕪晉絳廬舍侵逼萬善孤軍罪惡貫盈言
詞甚悖自卿全師厭境頻挫其勢尋得天井重圍下

臨高平危壁邇來頗自知惧方獻偽詞然天奪其心
鬼迷其志宋人已病不告析骸之情朱鮪乞降曾無
面縛之效尚聞張皇叛卒覬望鴻恩不戢群兇徒云
繼襲想卿忠憤必志梟夷况自去年以來頻奄畢今
又福星煥耀正臨天駟東漢書云畢爲天網網羅不
善之人房爲明堂方集重華之慶懸象昭晰前史所
書朕奉天道以行誅守祖宗之成法顧茲小寇終不
貸刑亦知晏實是卿之愛弟料申大義在抑私懷豈
無鷓原固慎名器今料其初通信使必謂卿且駐軍
想彼叛徒猶希洗雪乘此討襲必有奇功韓信襲歷

下之軍李靖翦陰山之寇皆因敵心懈弛故得機討
不遺想卿久習兵符備詳虜態便須覆其巢穴不可
更有招携劉稹縱有表章請自面縛不得便自報答
亦須奏聞當務遠圖勿拘小信速宜攻討以副朕懷
想宜知悉

賜張仲武詔意

昨以李石文吏不可自赴行營令在太原應接戎事
緣親兵在外城府空虛楊弁糾合征師衆經一旅追
逐主帥擅領兵權尋詔近地行營量抽兵馬便令翦
撲計日梟夷緣鎮州地接土門最為便近已詔元達

出師五千人馬向南諸軍聲援顧奴

寇未足勞卿

大軍緣何清朝下河水官健曾經楊弁將領久與亂
軍同處恐其自思家屬因此搖心宜速與卿本道都
頭密意動靜與清朝計會犄角相應如萬一清朝官
健禁戢不定抽歸太原已令把絕鴈門遏其歸路卿
便須出軍掩襲勿遺漏失克徒每事與清朝商量務
從權便應機在速不更待奏聞

賜劉沔詔意

敕自古出師莫重謀帥李廣臨塞威動殊鄰吳漢理
軍允如敵國舉茲制勝方見成功往者羯胡亂華伊

洛未靖光弼以上勛元宰移守盟津卽知急病採舉
因事爲重以卿近破狂虜已著英名河內當賊咽喉
爲吾雄屏爰求威望將以撫寧昔漢光武謂寇恂曰
潁川迫近京師當以時定惟念卿獨能平之從九疇
復出憂國可知也卿勿以累換雄藩輕此寄任策勛
之日遷擢必殊詔到便宜擇精兵二千人自領赴鎮
直抵萬善震耀威聲壯忠武一作捕鹿擒角之形分常
蛇首尾之勢今屬水潦將至農事已興偃武息人固
難淹久勉弘方畧副朕誠懷

賜王宰詔意

將帥大畧前史備書保境者以守險自固以
邊陲必剋制其死命務須批亢今賊在網羅只守巢
穴廣立虛柵多設疑兵蓋謂自防豈暇侵軼且欲偷
安歲月以老王師卿分兵相守果中奸計况卿已得
天井尋扼咽喉遊刃其間更何顧慮聞天井前後寨
柵二十餘所以備奔衝如此費兵固須寡力料賊四
面設備兵數可知卿進大軍便須推捍何暇更於諸
路取軼封疆以近事明之足可爲據昨者榆社兵馬
盡赴大原自沁至儀五百餘里賊已却得石會其間
細踏至多數旬無備竟不馳突卿以此揣度可見其

情又諸軍都頭各守一寨遷延避寇苟務過時卿若
更廣詢謀取其自便必恐撓卿思慮難見成功卿宜
審度事機自爲心計其賊踞逼兗州縣及當卿腹背
受敵之處卽須留兵防守用備寇虞其他抽隨大軍
併力攻討如此則出其不意必覆妖巢國家無徵發
之勞計司減饋運之費足得制勝豈在濟師又聞每
度出兵傷夷不少待其瘡痛皆復不免戰鬪關人今
爲鄉方圓無所愛惜其陣沒官健如無子弟便別擇
少壯者充替其亡歿家糧賜亦許不停其傷夷校重
有妨役使者亦任擇人充替其傷夷者仍不停糧并

知故令中使專往看卿處置須待事了方得遣回

賜石雄詔意

與王宰詔同於奸計字下云聞冀氏翼城寨柵有一
十八所以備奔衝自此以後又與王宰詔同至各使
聞知下云又聞將士有苟避兵鋒全不得力者卿宜
復令守寨不要將行其彥佐隨使衙隊自大將至宴
設及工巧之徒除卿先令歸本道外聞在者尤多卿
旣頒節旄自有土地並宜曉諭蒞遣不要更留仍具
人數奏聞雖卿善於撫衆皆自樂從然亦在割情不

令撓事故令中使專往看卿處置卿須待了方得遣
回

賜王元達何弘敬詔意與彦佐等詔何何後別各有處分

比緣暑熱未退固難進軍想卿至誠豈安終食今清
商已至鞞鼓聲雄白露將凝戈鋌氣肅擊隼應節而
逾厲代馬嘶風而自豪順天行誅正在今日近者天
井冀氏頻有交鋒蓋緣卿等當軍未抵邢州莫分賊
勢併有精卒得以奔衝今四面王師一十萬鎮魏兩
軍自當其半屯集在境已及歲期雖罰罪除殘誠無
所憐然生人膏血杼軸其空朕既為父母豈可坐視

歲月想卿忠憤固不懷安况卿當道頃為盧從史
從諫所敗與澤潞素是深讐卿之騎兵海內精勁將
虔劉殘憤士有闔心宜乘此機豈可玩寇想詔到之
後速抵邢州但得綴其精兵不合併力西向朕當詔
王宰石雄齊心攻討破此殘寇決在今秋故令中使
往諭朕意思卿勿更疑惑副茲朕懷

何弘敬詔中改未抵邢州為未過漳河况字
以下改為卿奉親之孝朕所深知想陟岵有
懷循陔思養遠離周歲固切歸心當早決機
豈宜玩寇

李衛公集卷第七
賜王元逵何弘敬詔意

近頻捉得賊界生口及收得投降人等每知賊中精卒數亦無多只是應急旋抽併當一面破其此計實在共攻緣王宰即過乾河便抵澤州城下恐賊併取山東兵馬抗拒南面王師卿宜詔到日便須深入綴其精卒不遣東西旬月免有採兵王宰必能成事如因此犄角便克澤州則卿之功勛更高王宰朕每念陳兵原野又屬炎熱由此孽童致茲暴陵然獫狁孔亟周宣興六月之師淮夷未寧公且有三年之後事非獲已諒匪勞人卿當深軀朕懷早圖戡翦上薦勳於宗廟下息患於生靈則卿之子孫永受休祿朕之酬賞必極寵榮布告三軍咸令知悉

賜緣邊諸鎮密詔意

近者寇孽初平海內無事方欲永繫弓矢保乂生人圖遠開邊誠非朕志然盛衰倚伏皆有其時古人云聖人無巧時變是守蓋惜其時也昔漢武帝命將出師輕齎深入耗中國三十餘年竟不得臣伏匈奴蕩定沙漠此未得其時也至宣帝值匈奴百年之運因懷亂危亡之機單于稽首三代偃藩烽燧不設邊城晏間此遭遇其時也近則回鶻常以兵助中國有戡

難之功朝廷累降姻親歲致繒絮因我爲援振服諸
蕃百有餘年最爲強盛及本國衰亂種落流離景附
北邊猶爲桀驁因其入塞暫舉偏師遂大破穹廬却
收公主歸降甚衆梟戮至多一國銷亡易於拉朽豈
非得其時也今吐蕃未立贊普已是三年將相猜莠
自相攻擊緣邊兵馬頗已抽歸想其城鎮皆空守備
多闕儻彼鬪戰未定自有黨讎一國之中疑懼相半
則備邊城守固有異心計卿軍鎮必有舊人諳練邊
事深入窺探來往是常易知隱伏之情足見存亡之
兆宜精意選練務得其人切須識見精專誠信可保

資以財帛俾其陰通自隴山天寧關北至蕭關原州
安樂州烏蘭橋等皆是賊之險路入寇要津各要知
兵馬多少何人主領如兵數寡少人心動搖乘此危
機必易爲計多設反間密用竒謀使自歸心豈勞兵
力觀釁而動取若拾遺此兵法所謂不戰而屈人之
兵善之善也國家河西隴右四鎮一十八州皆是吐
蕃因中國有難相繼陷沒今當其破滅之勢正是倚
伏之期取亂侮亡聖人遠畧斯乃以直報怨非是不
守和盟想卿精忠必達此旨故令劉濛專往親諭朕
懷卿宜選練師徒多蓄軍食使器甲犀利烽火精明

尺籍伍符盡無虛數務修實效勿顯事機制置之間
尤須密靜詔書有所不盡皆已指示使臣勉建良圖
副茲委遇

停歸義軍救書

敕李思忠首率蕃兵歸誠向闕念其忠款特許來朝
而又慕華風願留京邑俾參環衛用報勛庸其歸
義軍使宜停將士等同叶義心所宜優寵况聞諸道
軍鎮皆置馬軍選擇蕃渾尤不易得緣此將健久工
騎射頗出常倫列於牙旗足壯戎閫宜分諸道節度
使團練收管便給本道衣糧稍加安存務令得所

置孟州救旨

敕昔馮異之守盟津已建軍號近光弼之保伊洛先
據三城蓋以河有造舟之危山有摧輸之險左右機
軸表裏金湯旣當形勝之地實爲要害之麗今所置
制豈限常規積萬度於教前尤資地利到二矛於河
上須壯軍聲其河陰縣宜割屬孟州仍改爲望縣其
河清縣却還河南府縣官等並准前敕處分其東都
鎮遏兵馬依前屬東都防禦使鄭滑汝州防戍兵各
一千人令弘敬權指揮事平後續有處分

李回宣慰三道救旨

敕成德軍魏博皆出兵甲俯臨賊境秋氣已至攻取是時元達弘敬制勝伐謀必有成算固須命使遠訪嘉猷又回鶻雖已遁逃尚存餘燼今朔風始勁塞草具腓猶慮未革梟音敢懷狼顧迫於飢窘復擾邊城仲武又欲蕩除俾無噍類成其志業壯彼威聲亦在使臣往喻朕意各宜奮厲早建殊勛解甲勞還免及秣寒之候止戈除害庶臻仁壽之期咨爾帥臣副予委遇宜令刑部侍郎兼御史中丞李回克幽州鎮魏等道宣慰

賜王宰詔意

卿頃蒞澤州頗彰惠政彼之黎庶自合有情申以恩威正在今日卿宜大布誠信且務綏懷不得焚其室廬翦其桑梓自當蠶聚塞路襁負而歸兼招取丁壯三五千人不要分給器械每至填壠攻壘皆遣先驅料澤州城內非其父兄卽其子弟必合自相愛惜豈願交接兵鋒兼領遣使逼其軍城再三號令若能捨逆效順速自歸降非但生全仍加優賞克城之後不犯秋毫如堅守危巢坐待撲滅必當不存噍類務極兵威料其聞此先聲皆自感厲勉於方畧副朕深懷

李文饒文集卷第七

李文饒文集卷第八

會昌一品制

制詞

授嗚沒斯可特進行左金吾衛大將軍員外置

仍封懷化親王制

授嗚沒斯檢校工部尚書兼歸義軍使制

授歷支持勒以下官制

授嗚沒斯賜姓李名思忠制

授回鶻內宰相愛耶勿歸義軍副使兼賜姓名

制

授何清朝左衛將軍兼分領蕃渾兵馬制

奉宣代諸道節度使書上

代劉沔與回鶻宰相頡子伽思書

代忠順報回鶻宰相書意

代劉沔與回鶻宰相書白

代符澈與幽州書

代弘敬與黑軍將書

代彥佐與澤潞三軍書

授温沒斯可特進行左金吾衛大將軍員外

置仍封懷化郡王制

及昔秩嘗歛籌歸忠於大國日逐避禍納款於明庭

宣帝嘉其一心寵以優禮或存故王之印綬或賜歸德之美名爰舉舊章式崇新命回鶻温沒斯特勒個儻慕義深沉有謀馭驥之生超千里鷲鷄之擊厲九秋屬歛款誠布于邊將尋執醜虜不遺君親戢其餒殍之徒曾靡秋毫之犯旋觀所履大節甚明朕與回鶻代結和親久敦鄰好念其乘亂義在固存莫若撫其酋豪顯其大順使諸蕃知我招携之禮更逾往昔之恩仍加帶礪之封俾授瓜牙之寄服茲休寵可不敬哉

授温沒斯檢校工部尚書兼歸義軍使制

救回鶻代雄絕漠名振北番而乃厭金革之強慕朝
廷之禮願襲冠帶思覩漢儀蟬蛻自致於潔清豹變
獨蔚其文彩不有毫傑孰啓壯圖嗚沒斯稟氣陰山
降精斗極生知忠孝神授兵鈴自強之心隱如敵國
衛上之氣森若戈矛果能因亂布誠覩幾立節深叶
懷柔之志不因告諭之詞昔者取土殊鄰秦能致重
得賢異壤晉實用材是用優以寵光處之權貴褒
忠之顯效錫歸義之美名俾建旆於新軍示絕席於
諸將勉修臣節服我官常

授歷支特勒以下官制

救國家與回鶻久修鄰好重以姻親視其酋豪猶
赤子屬本蕃乖亂種落未安君長之間自相疑阻窮
而歸款得不撫寧况爾等生戴斗之鄉精能貫口負
射鵬之藝氣乃凌雲忠而善謀勇則能斷率其驍騎
來附北邊願削衽以圖全且櫜弓而俟命矢其一志
之死靡他既授我以誠則招之以禮昔徐廬款塞卽
受漢封比能入朝仍疏魏爵今則解其被毳蒙以影
纓爰嘉介石之心式寵銜珠之命宅侯忠孝可保於
克終安上子孫方期於必貴勉茲師律爲我信臣

授嗚沒斯改姓李名思忠制

昔項伯歸義奉春建策賜之劉氏列在漢宗爰寵茂
勛仰惟前典嗚歎斯代雄沙漠勇冠天山早佩良將
之材嘗佩明王之紱附於絕塞歲以再期秉是一心
竟全大節今則解其毳服制列牙旗自我加恩益聞
厲志驥登吳坂感顧盼而長鳴劍出豐城因拂拭而
增煥朕以漢北平守廣北狄避之號為飛將顧其首
齋頗在龍庭美瓜瓞之所興因而命氏念棟壘之方
擘當使同榮夫思在無和忠為德令嘉其立志用以
錫名爾宜念之無替休命

授回鶻內宰相爰耶勿歸義軍副使兼賜姓

名制

自古軍制必有佐貳逮至漢氏亦循舊章既得將材
俾參戎政實資謀策用正紀綱爰耶勿往在龍庭常
為貴相乘其乖亂遂授迹於殊鄰加以懷柔竟歸心
於上國而又推誠所奉果協良圖身獲異謀必未獻
款旋觀深志可謂竭情昔戎狄請盟良由孟樂呼韓
率服始有秩誓言念茂功所宜異等因其請族錫以
嘉名漢錫秬侯尚採祭天之義魏親程昱用疇捧日
之心寵以貂璫冠於裨校服茲新命宜保厥終可檢
校右散騎常侍兼歸義軍副使仍賜姓李名弘順

授何清朝左衛將軍兼分領蕃渾兵馬制

敕新授金紫光祿大夫檢校太子賓客使持節都督
銀州諸軍事兼銀州刺史克本州押蕃落使及度支
銀州監牧馬副使何清朝漢用駱甲則灌嬰副於騎
將魏得閔羽則張遼挾以前驅故能控強楚之鋒芒
取顏良於麾蓋爾夙負智勇備嘗艱難精誠發而石
開志氣作而虹貫朕以思忠伏羲倜儻秉心堅正且
聞誓剪讎寇不以賊遺君父委之兵柄庶展拘原舉
駭電之鋒期於盡敵得射鵬之騎未足併功宜勉一
心成予九伐俾參環衛用壯軍聲可檢校太子賓客
兼左衛將軍侍御史散官如故仍分領河東道蕃渾
兵馬赴振武界取思忠旨揮

代劉沔與回鶻宰相頡于伽思書

會昌三年八月二十日大唐河東節度使檢校右僕
射劉沔致書于九姓回鶻頡于相公閣下曩者回鶻
因延陀之亂歸心中國太宗親幸靈武納彼降人置
瀚海都督列於內地爰初封植自我深恩回鶻立國
止家莫非唐德皇帝自聞回鶻乖亂繼以災荒爲絕
乾斯所攻國已殘滅可汗率傷痍之衆席卷而來朝
廷遣告諭之使轂擊於外誠宜恭聽詔命漸歸漠南

本朝公文集卷第八
國家得以施拯拯之恩成招携之禮昔呼韓單于亦
以離亂歸附漢廷定計之初則遣子入侍款塞之後
又來朝京師既得爲臣之義實展外藩之敬然後漢
家擁護出塞救恤加恩况回鶻累代稱蕃久修臣禮
只合先請朝謁自陳艱危太和公主是帝室愛女太
皇太后夙所鍾念可汗亦宜遂其情禮便遣入朝雖
皇帝不許當勤固請爲可憐之意陳自託之誠豈不
感明主之心塞華夷之望則我之拯恤無所愧懷而
乃睥睨邊城桀驁自若邀求過望如在本蕃遐邇之
人無不驚歎今又深入邊境殘虐生人以退渾爲

臣未已黎庶伏竄莫敢定居秋稼盈疇不違牧刈
夫欲求大國之援繼姒好之情當務交懽豈宜如是
來書又云蕃人易動難安如忿怒後不可制得只如
回鶻爲紇斡斯所困豈可一日慙忘舉國將相遺骸
棄於草莽累代可汗墳墓隔在天涯固宜泣血枕戈
膏膽思報大雪寃耻告謝幽魂回鶻忿怒之心合施
於彼而欲滅棄仁義逞志中華天地神祇豈容此事
詩云剛亦不吐柔亦不茹回鶻以紇斡斯之強不敢
報復可謂吐剛矣輕退渾之弱惟務傷煞可謂茹柔
矣又詩云君子如怒亂庶遄沮君子怒以止亂不聞

生亂望相公深思此義勿更輕言今弊邑恃回鶻之
信不憚回鶻之怒若外與中國結怨內爲紇挖斯所
排遷集烏從仇離逢轉以沔揣度終難取濟前代到
支單于不事大漢寄命堅昆尋文遠託康居自成夷
滅往事之戒得不在懷昔呼韓之敗也其君伊秩訾
勸呼韓併臣事漢從漢求節呼韓納用其策竟保安
全又戊子駒支將預晉盟執政以其有二親數於朝
駒支乃自偪不侵不叛何惡能爲執政嘉之遽命即
今相公以偉才宏畧匡弼可汗旣無秩訾之明謹
事大又無駒支之辨自達其誠而欲絕累代之讐

與二國之禍稱雖釋憾何以戴天又古人云失之重
焉救之桑榆倘自改悔實未爲晚恐未嘗思此聊布
所懷信之與否幸垂見示不具沔白

代忠順報回鶻宰相書意

來牒云未得般次歸國不知今日推明日回鶻聞此
事盡頭悶者國家富有四海豈惜微細資財比在京
交付藥羅葛九政藥羅葛氏也之時已不管領只緣可汗
都無定所來去不常又無大段駝馬自取般次恐諸
番劫奪須稍安詳欲令送至東北嶺外忽慮萬一散
失又以詞語見尤望依前自遣駝馬般運此令兵馬

李衛公文集卷第八
護送又云嗚沒斯王子不合親近我國家統御四夷
皆同赤子倘順於國盡合緩懷如天地之廣無不覆
載如江海之大無不包容况嗚沒斯是先可汗子孫
今可汗兄弟窮而歸命尤所矜憐若棄其款誠何以
柔遠回鶻須自愧不恤兄弟令其不安更欲追尋是
何道理彼酋長如迫於飢渴願歸國家優待之禮必
與盟沒斯無異想知朝廷眷遇回鶻之深也如可汗
早依聖旨不入邊疆但歸漢南俟命朝廷豈有所惜
又云回鶻往前蕃人易動難安不可制得朝廷只要
回鶻承順國家常為好事推行仁義不作尤違則
是欲疎隔回鶻一日不得若只務侵擾漢界則
爭以此為強實所不憚如此行事與諸小部落何如
欲傳回鶻強大豈肯敬貴忠順邊將寵才性本愚直
轉此忠告幸垂三思

代劉沔與回鶻宰相書白

龜茲斯專使將軍踏布合祖達千邁悉禾亥義判官
元因娑拽河阿已時等七人至天德上表云破滅回
鶻之時收得皇帝女公主緣與大唐本是同姓之國
固不敢留公主差都呂施合將軍送至南朝至今不
知信息不知得達大唐為復被奸人中路隔絕緣此

李補公文集 卷第八
使不回今出四十萬兵尋覓若被別人留連不放請
子細報即差人就彼尋覓上天入地終須覓得送公
主使若入吐蕃國去即至吐蕃務覓必得皇帝自覽
表章頗深軫念緣與回鶻可汗久修鄰好加以姻親
艱難之時常展勛力情義至重休戚是同今紇斡斯
讐怨可汗兼求公主必慮大興兵甲糾合諸蕃長驅
南行直至塞上今可汗人衆飢饉兵數無多強敵備
來將何禦捍非惟大唐之力救助至難兼恐邊城之
民因此罹患可汗須與將相熟議早務良圖依倚側
近山川深自蔽匿且送公主歸國以避責言且紇斡

斯雖來足得免禍又踏布合祖云磧北紇斡斯即
就合羅川居回鶻舊國兼以得安西北庭達怛等五
部落又云昨者二千騎送踏布合祖至磧北令累路
逢着回鶻即煞踏布自本國至天德西城更不逢着
回鶻一人無可煞戮又恐回鶻與吐蕃通信已令兵
馬把斷三河口道踏則籌略兵馬之勢揣度可知且
興廢在天否泰有運紇斡斯以寡爲重以弱爲疆豈
止人謀固是天贊古人云大福不再來蓋以天亡之
後終難再振若欲且依黑車子延引歲時不惟雄豪
所耻實亦諸蕃輕笑倘紇斡斯逼逐則黑車子之心

李補公文集 卷第八 九

李德公文集 卷第八
焉可保信不如早歸大國自保安全順天命以去危
特姻好而求福皇帝寵待存恤必更加恩輒獻良箴
幸垂採納恐要見紇圻斯表本今亦錄往

代符澈與幽州大將書意

某月日河東節度使符澈致書幽州大將周都衙以
下比聞海內之論幽州師有紀律人懷義心河朔諸
軍以爲模楷今之所觀異於是矣竊知大將以下初
上表舉陳行恭尋又舉張絳皆云文武全才軍情悅
服今又不容張絳斥逐而米取舍之間蒼黃驟變且
舉慕不定春秋所譏遠近聞之莫不嗤咲旬月之內

三人不可謂師有紀律矣不俟朝旨專自樹置
不可謂人懷義心矣今欲頓雪前耻再取美名莫若
舉罪朝廷別請戎師如此則一軍盛美千古流芳澈
奉在近鄰素欽風義輒陳鄙見實謂良圖幸大將等
三思不至疑惑

代弘敬與澤潞軍將書

昨覽大將等陳情表未知迷復頗事游詞弘敬任奉
專征兼許招諭思欲布朝廷大信解彼深疑指事而
言更無文飾只如公等本使疾病縣悒旣以上聞便
須請監軍權知兵馬以俟朝旨豈有表章未議和計

已萌遽遣劉稹衙內決事不令常侍父疾既虧子道
深紊國章遠近聞知無不駭聽姜崧四月十三日到
城至三十三日聖上驚異此事要知端的遂令追聞
冀得實情姜崧狀稱四月六日大衙宅內小聽實本
使至八日晚後劉稹傳本使處分令入城請醫並不
見本使又云女壻李全方四月五日降賊至十將妹
壻王再晟歿遣山東兗州鎮佐軍虞候崧見女壻
輩皆被降黜遂懷憂惧求郭誼覓使入城至四月三
十日追問梁叔又亦只緣公等本使不見宣慰問疾
使又不見醫官梁叔又自通狀云劉守義扶劉稹時

誠獲摠戎柄教習步射振起軍聲馬列鎮之雄皆李
公之力及說諭太尉武俊首破朱滔擊韓師於武安
屋瓦皆振前符寇於淮服草木為兵六十年間忠名
尚在及李相公殂謝朝廷以王尚書虔休代之追李
緘令居喪東洛一軍受命莫敢借留致澤潞功勳成
澤潞節義邇代節相誰繼李公彼軍尚不顧私恩以
陳王制豈有從諫跋扈既久忠孝無聞於彼一軍有
何恩澤若委心澤潞將校即不合別置紀綱肆志劫
脅人心自圖身計奈何拒君親之命從逆亂之謀近
者盧從史首鼠兩端貪狼成性苞隱奸慝逗撓兵機

彼大將烏司徒與王憲等因事圖之尋就東縛破朱
滔之功未朽擒從史之效又彰誠動上玄忠貫白日
一軍盛美可不惜哉比聞從諫志在捐狂招致亡命
逆人親黨遊客布衣皆在公宴之中列於大將之上
一軍憤愧固已積年豈可舍累代之美名忘近歲之
深耻將性命家族以狗騃童生為不忠之人死為不
臣之鬼彥佐忝受明命總彼成師感歎之懷寢食忘
次頭將忠素宣布皇恩俟彼英豪見幾而作爵秩崇
寵身自取之豈得臨難凶循為人受禍勉思竒策以
酬深心

李文饒文集卷第八

皇朝文獻通考

皇朝文獻通考

